

Ciet “Sam Bet” Ningzmingz Mehmbwk Daibyauidonz Bae Yeznanz Guh Doxndei Gyaulouz Hozdung

“三八”妇女节宁明妇女代表团到越南开展友好交流活动

3 nyied 8 hauh, youq ciet mehmbwk guhhong gozci 108 hopbi daeuj daengz haenx, Ningzmingz Yen mehmbwk daibyauidonz 14 vunz, daengz Yeznanz Liengsanh Swngj Luzbingz Yen guh mehmbwk doxndei gyaulouz hozdung. Song mbiengj doiq gouq bang mehmbwk gungzhoj, saedyienh saimbwk bingzdaengj, henhoh mehmbwk lwnyeiz gienzik daengj vwndiz haeujlaeg guh

damqlwnh, lij itheij ndaem roengz gofaex cingzngaih siengcwngh Cungh Yez mehmbwk ciengzgeiz doxndei haenx.

(Cough Yizganh/周贻刚 Yi Yungzfangh/易荣芳)

► Gyoengq mehmbwk song guet caemh naengh yaeng doxndei.



▲ Gyoengq mehmbwk doxdax dwkcazyouz.

Sanhgyangh: Doxdax Dwkcazyouz Angqhoh “Sam Bet”

三江：油茶竞技庆“三八”

3 nyied 8 hauh, Liujcough Si Sanhgyangh Duncuz Swciyen gawjbanh mehmbwk dajcawj doxdax dinfwnz “dwkcazyouz”, 240 boux mehmbwk doengzdaiz doxdax, yienhciengz baijyienj Duncuz “dwkcazyouz” vwnzva gijgwn daegsaek, aeu cungj fuengsik neix ma angqhoh ciet mehmbwk guhhong gozci “sam bet”.

“Dwkcazyouz Duncuz” Sanhgyangh dwg gij laex ceiq sang daihhek Duncuz ndawde cungj ndeu, gaenq youq bi 2014 lied haeuj mingzloeg Gvangjsih Bouxcuengh Swcigih feihvuzciz vwnzva yizcanj.


(Vuz Lencinh/吴练勋)



▲ Mehmbwk baijyienj hongdawz dwkcazyouz.

Yungzanh: “Raizva Reihnaz” Bang Doi Vutgungz

融安：“花样田园”助脱贫



▲ Raizva ndaw naz yinx hekyouz.

3 nyied 8 hauh, cingq dwg seiz va hai cin raeuj, Yungzanh Yen youq mwh guh hong hwngfat lajmbanj, doenggvaq dwkcauh lajmbanj gyaunde, dazyinx caeuq bangcoengh vunzlai giethab dangdieg saedcaeq, dajveh baucang vwnzva “raizva reihnaz”, hwngfat ginghci swnghdai caeuq nungzyez yawjngonz, youq ndaw reih byaekva youzcai ndaem ok “dangjveih” “lungz Cungguek” “simnduj mbouj lumz” “laebdaeb baenaj” daengi doz caeuq cih saw, yinx ndaej baenz buet hekyouz daeuj yawjngonz, ndaej coicaenh nungzminz demsou, bang diegbya vunzlai vutgungz.

(Danz Gaijhingh/谭凯兴)

Vagut Feihcouh Roengzhoh Luzcai

非洲菊花落户鹿寨

Luzcai Yen Luzcai Cin Mbanjcazbij vanungz bi’ gvaq yinxhaeuj vagut Feihcouh. Seiz yinxhaeuj go vamiuz cijngamq miz 15 lizmij sang, aenvih guenj ndaej ndei, seizneix vagut gaenq maj sang daengz 50 lai lizmij lo, couh yaek ndaej gai ok suen lo. Ndaw doz dwg 3 nyied 10 hauh, vanungz youq ndaw aenbungz hohleix gova.

(Lai genveih/赖建辉)

► Vagut Feihcouh youq Luzcai hai ndaej hoengh.

